



ԳԵՈՐԳ ԵՊԻՍԿՈՍՈՍ ԶՈՐԵՔՉՅԱՆ
(Գեորգ Զ. Կաթողիկոս)

Զ Ղ Ջ Ո Ւ Մ Ն

«Աչք իմ յամենայն ժամ առ Տէր են,

և նա հանել յորոգայրէ զոտս իմ»:

ՍԱՂՄ. ԻԳ 15:



Եր կյանքը ալիքանման է ըն-
րանում. մենք նման ենք ալե-
կոծ ձովի վերա ընկած մակույ-
կի. որ մե՛րք՝ ձովի կատաղի
ալիքների հետ դեպի վեր, դեպի երկինք է
խոյանում, և մե՛րք՝ նորա ուժասպառ կո-
նակների հետ դեպի վար՝ ձովի անդունդը
սուզվում:

Մեր կյանքը ելևէջներով է ընրանում.
մե՛րք՝ ելնում ենք կյանքի քարծռ ամբիոնի
վերա ու մեր գործերով հիացում պատեա-
ռում և՛ մեր Տիրոջը և՛ մեր շրջապատին, և
մե՛րք էլ՝ կյանքի անդունդը իջնում, նեխած
տղմի մեծ խրվում, և՛ Տիրոջը և՛ մեր շրջա-
պատին վիշտ ու զգվաճ պատճառում:

Ե՛վ այս և՛ այն վիճակը բնական է մա-
րդու համար. բնությունն ու մարդկային կյան-
քը յուր փարթամ ու ճախ վայելչներով, որ-
պես մագնիս դեպի ինքն է փաշում մարդուն,
որ յուր կրքերով, յուր թույլ նյարդերով տրա-
մադիր ու եերակա է նրապույրների, օրոնի՝
փշերի ու տատասկի նման՝ հաճախ խեղդում
են իրենց մեջ ընկած րարի սերմերը:

Կարևոր է համբա գտնել աստվածային
բանկարծե՛ք պարզե՛ք՝ մեր հոգին, մեր խիղճը
մարմնի խեղդող ճիւղաններից ազատելու, ա-
պականությունից՝ բարոյական մահից գերծ
պանելու համար:

Կարևոր է մի ույժ գտնել, որ մեզ՝ մագնի-
սի նման՝ դեպի ինքը ձգելով՝ զլորումից գերծ
պանե և կամ արդեն իսկ զլորվածին ան-
դունդից հանե, քարծռացնե:

— Ո՞րն է այդ ույժը, ո՞վ է այդ մագնիսը:

Սաղմոսերգու 'Իսովիթը՝ Աստուծո ընտրյալ,
քաղվածն ու մարգարեն, որ սակայն հա-
նախ ենթակա է եղել յուր մարդկային բնու-
թյան թուլության և ընկել կյանքի տղմի մեջ՝
նա՛ է, որ գտել է նաև ապականության տրդ-
մից դուրս ելնելու ճամբան, նրան լսենք՝ «Աչք
իմ յամենայն ժամ առ Տէ՛ր, և նա հանել յո-
րոգայրէ զոտս իմ»։ Ուրի՛ աչքը... 'Իսովի՛թ,
դու շէ՛ր, որ Ուրիային վաղշացոց դեմ վա-
րած կատաղի պատերազմի հողեհի մեջ փշե-
ցիր ու անզենական բողիւ, որ մեռնի և տի-
րանաս նորա գեղեցիկ կնոջը՝ Թերսաբեին.
նա՛ որպես հերոս փառաբար կովեց, մարմ-
նով մեռավ, հոգով կենդանի մնաց, իսկ դո՛ւ
մեղկացար, մեղքի գերի դարձար ու հոգով
մեռար, մարմնով կենդանի մնացիր։ Սակայն
գիտե՛մ, և դուն էիր, որ այրված սիրտդ բա-
ցիր Տիրոջդ առաջ և հոգուդ խորհից զլքման
մեծուհիներ ուղղեցիր նորան՝ «Ոգորմեա՛ ինձ
Աստուած ըստ մեծի ողորմութեան քոմ, ըստ
քաղում գթութեան քոմ փառեա՛ զանօրէնու-
րիւնս իմ»։ և Աստված ողորմեց քեզ։ Այո՛,
իրավունք ունիս ասելու՝ «Աչք իմ յամենայն
ժամ առ Տէ՛ր, և նա հանել յորոգայրէ զոտս
իմ»։

Տերն է, եղբայրեն՛ք և փայրեն՛ք, այն ույժը,
որ դեպի ինքն է փաշում մեր հոգին, մեր
խիղճը՝ և մեզ անկումից գերծ պանում և կամ
արդեն իսկ զլորվածներին անդունդից վեր
հանում:

Քանի փոքր էի, կարծում էի քե՛՛ սոսկական
մարդուն են միայն հատուկ կյանքի ելևէջնե-
րը՝ զլորումն ու կանգնումը, մեղքն ու զղջումը.

այժմ հավաստի եմ, որ այդ ելեշները հասուն են նաև Աստուծո ընտրյալներին, որոնցից երկուսի՝ Պետրոսի և Հուդայի անկման ու գղջման նկարագիրը պիտի տամ, որ տեսնեմք և իմանա՞նք՝ ի՞նչպես մարդ ընդունակ է փառքից, բարձրությունից ընկնել և սակայն վերածնվել ու կրկին բարձրանալ, ինչպես էր Պետրոսը, և կամ ընկնել անդունդը ու հավիտյան մեռնել, ինչպես էր Հուդան:

ա. ՊԵՏՐՈՍԻ ՆԿԱՐԱԳԻՐԸ. — Պետրոս առաքյալը ապառաժի նման հաստատուն հավատ ուներ և նվիրված էր Տիրոջը: Նա՛ էր, որ աստվածային բարձր շնորհի՛ արժանացավ՝ լսելով Փրկչի խրատույնը թե՛ «Է՛տու ես վե՛մ և ի վերայ այդք՝ վի՛մի շինեցից՝ գեկեղեցի իմ»: Նա՛ այդ ապառաժ կավատ ունեցող Պետրոսն էր, որ համարձակություն ունեցավ յուր դավանանքը արտահայտել՝ Փրկչի հարցին ի պատասխան՝ «Է՛տու ես ճիստապես, Ուրի՛ Աստուծոյ կենդանւոյ»: Նա էր, որ՝ անձնվիրություն և կատարյալ սիրո օրինակ հանդիսանալով՝ խոստացավ Տիրոջը հետ բանա նստել ու մեռնել՝ «Տէ՛ր, ընդ՝ քեզ պատրաստ եմ և՛ ի բանա և՛ ի մահ երթալ» (Լուկ. ԼԻ 33):

Նա էր աշակերտներից ֆաշարին, որ Գերսեմանի պարտիզում յուր Տիրոջ պաշտպանության համար՝ աներկյուղ սուր հանեց նորա թշնամիներին դեմ և Մաղոսի ակաղըր կտրեց, որոնք եկել էին Հուդայի առաջնորդությամբ Հիսուսին բռնելու:

Սակայն և եթե մեկը կար աշակերտների մեջ, որի գլորումն ու անկումը մեծ եղավ, դա նույնպես Պետրոսն էր:

Նա, վերջին գաղակական սեղանի վերա հրապարակավ և հանգիսավոր երգվեց յուր Տիրոջը թե՛ քեզ չեմ ուրանա, եթե մինչև իսկ կյանքս զոհեմու կարիք լինի՝ չամաչեց և բանաճայապետի աղախնի ու ծառաների առաջ ո՛չ միայն ուրացավ, այլև անեծք ու եզովք բափեց նորա գլխին:

Արդյոք կարելի՞ է ավելի մեծ բարոյական անկումն պատկերացնել, քան թե սիրած աշակերտի ստոր ուրացումը յուր Վարդապետին: Ըվ ինչո՞ւ, ի՞նչ պատճառով:

Մտառների ու աղախիչների ծաղր ու սպառնալիք, մի փոքրիկ փորձություն, որին ենթարկվեցավ Պետրոսը, բավական էր խախտելու նորա հավատը: Տե՛ր իմ, ո՛րքան չնչին բան է պետք մարդու, մինչև իսկ ընտրյալ մարդու սիրտը բարոյական բարձրությունից իջեցնելու և անդունդը գլորելու համար:

Սակայն ուրան մեծ է Պետրոսի հանցանքն ու գլորումը, նույնքան վե՛մ է նաև նորա գղջումն ու կանգնումը՝ «Տէրը դարձավ, ես-

յեց Պետրոսին, հավր խոսեց և Պետրոսը հիշեց Հիսուսի խոսքը թե՛ դեռ հավր շխոսած երիցս կուրանա ինձ և դուրս գալով՝ դառնապես լաց եղավ»:

Մի հայացք, Փրկչի մի լուռ հայացք միայն, որ արտահայտում էր լուռ հանդիմանություն և վշտոտ վեր՝ բավական եղավ Պետրոսին զգալ տալու, որ նա յուր Տիրոջը՝ յուր վարդապետին մեծ վիշտ և պատճառել, բավական եղավ յուր հանցանքը զգալու և գղջման աղի ալցունները լստիկով՝ զգաստանալու:

Այդ լուռ հանդիմանությունը խոր խոցեց Պետրոսի զգայուն սիրտը, զարթեցրեց նորա նիրհած խիղճը և հարություն տվավ նախկին Պետրոսին, որ անձնվիրությամբ և սիրո օրինակ էր:

Ահա սիրելի՛ք, նյմարիտ գղջումը, որ ո՛չ պատիժների և ո՛չ էլ աստվածային անեղ, դատաստանի սպառնալիքների արգասիք էր, այլ Ս. Հոգու խաղաղ ներգործության ծնունդ, Տիրոջ սիրո հայացքի հետևանք, որ ընկնելով մարդու հոգու մեջ՝ մաքրում և ազնվացնում է սիրտը, զարթեցնում նիրհած խիղճը և՛ սեր ներշնչելով՝ սեր է որոնում այնտեղ:

բ. ՀՈՒՌԱՅԻ ՔՆՈՒԹԱԳԻՐԸ. — Պետրոսի հանդեպ կանգնած է Հուդան, առնենք նորա դեմքի մութ ֆոդը, բանա՛նք նորա սիրտը և տեսնենք այդ կորուսյալ ուղիւ պատկերը: «Յայնժամ սեսեալ Յուդայի՝ որ մատենացն զնա, թէ պարտատուցսու, գլխացաւ: Տեսնու՛մ եմ, Հուդան էլ է ցավում, որ շատ է խորացել: Նորա մեջ էլ, կարծես, զարթել է լավագույն շնորհը. ես էլ է կամենում գղջմամբ կատարված արարելը սրբել, սակայն ե՛րբ. — երբ տեսավ, որ Հիսուս մանկան դատապարտվեցավ, երբ հավատալիցավ, թե հուսախաբված է: Նորա գղջումը յուր գործած հանցանքի գիտակցության ծնունդ չէ, այլ հանցանքի անեղ հետևանքի արգասիք: Հուդայի վիշտն ու գղջումը յուր կատարած չար արարքի՝ յուր վարդապետի մատնության համար չէ. այլապես նորա գղջումը շատ առաջ՝ Գերսեմանի պարտիզում տեղի կունենար, երբ Հիսուսի հանդիմանական հայացքը անշուշտ բափանցեց Հուդայի սիրտը և նորա ներքին աշխարհը ալեկոծեց, երբ Հիսուսի հեգնությամբ լի կրակառ խոսքերը՝ «Յուդա՛, համբուրելով մատնես գորգի մարդոյ», տաղեցին անշուշտ Հուդայի սիրտը: Նորա գղջումը տեղի կունենար խորհրդավոր ընթրյաց ժամանակ, Հիսուսի վշտոտ գուշակությունը լսելիս թե՛ «Վեզնից մեկը պիտի մատնի ինձ»: Այս բոլորից հետո Հուդան ամբողջ հոգով պիտի հուզվեր, ծուր իջներ Փրկչի առաջ և գղջման դառն

աւցունքներ քափեր, երե, հիրավի, գոնե փոքրիկ վիշտ զգար յուր անպատկառ արարի համար: Ո՛չ, Հուդայի զղջումը հանգանքի գիտակցութեամբ բղխած զղջում չէր. յուր բարոյական անկման վիշտը, յուր հոգու փրկութեան հոգսը չէր նորան շփոթեցնողը, այլ յուր արարի անակնկալ վախճանը, յուր ծրագրերի և ակնկալութիւնների խորտակումը և յուր կատարյալ հուսախարութիւնը: Չէ՛, Հուդա՛, գուր անցավ Հիսուսին երկրավոր բազմութեան նուազ և քո նորա աջ կողմը բազմելու տենչը:

Ասացե՛ք, սիրելի՛ք, մի՛թե մեր զղջումն էլ, նույնիսկ դառնագինը, Հուդայի զղջման չէ նմանում. զղջումն արարի ահարկու հետեանքի և ո՛չ արարի համար: Այո՛, հեշտասերը զղջում է յուր վարած ցոփ կյանքի համար, բայց ե՛րբ. երբ նորա առողջութիւնը

նը քայքայված է, ռսկոնների ծուծը լափված և ինքը գերեզմանի նգրին կանգնած:

Խաբէքան ողբում է յուր հանցանքները, բայց ե՛րբ. երբ սուտը հրապարակ է դալիս, և ամորն ու պատիժը առաջը ծառանում:

Ունրագործը զղջում է, բայց ե՛րբ. երբ արդարութեան թագուկների մեջ հմլված է:

Հուդայի զղջումը. սիրելի եղբայրներ՝ և քույրեր՝, մեզ չի օգնի. երանի՛ նորան, ով նալի խոսելիս խղճի խայթ զգա. երանի՛ նորան, ով Փրկչի հայացքը յուր վերա դարձնէ՝ զարթեցնելով յուր նիրհած խիղճը՝ աստվածային ծայեր:

Տե՛ր, հոռիդ հավատարիմ հովի՛վ, Դո՛ւ, որ շնորհ ունես դասալիքների, ողորմութիւն՝ մոլորյալների և լեւ ու քաղցր հայացք՝ քեզ մոռացողների համար, մեզ էլ խնայի՛ր, մեզ էլ ողորմի՛ր և շնորհի՛ր սաղմոսերգոյի սիրտը, որ միշտ քեզ նայեմք ասելով՝ «Աչք իմ յամենայն ժամ առ Տէր, և նա հանէ յարագայթէ գոտս իմ»... ամեն:

(Խոսված 1919 թվի Մաղկազարդի կիրակի Լեւկոյան՝ Ա. Էջմիածնի Մայր Տաճարում):

